




Cumün da Zernez

Scoula
Urtatsch 147A
7530 Zernez

T +41 81 851 44 60
scoula@zernez.ch
www.scoulazernez.ch



UORDEN DA CHASA DA SCOLA ZERNEZ

Nus provain da'ns badair consciaintamaing e vulain viver insembel cun respet tanter pêr in nossa chasa da scoula. Il seguaint uorden da scoula dess esser ün agüd per pussibilitar quai.

In general:

1. Ils scolars e las scolaras as deportan cun maniera e respettan ils cumonds da las personas chi sun respunsablas per la gestiun da scoula.
2. Id es scumandà da fūmar e da consūmar alcohol ed otras drogas sün l'areal da scoula. Implü esa scumandà da portar armas da tuot gener sco eir imitaziuns ed ogets explosivs.
3. S-chart nu das-cha gnir büttà per quai d'intuorn. El sto gnir miss aint illas chavognas. Cun l'infrastructura e'l inventar dadaint ed intuorn la chasa da scoula esa dad avair chüra.
4. Mobbing e violenza nu vegnan tolerats in nossa scoula.
5. Ils scolars e las scolars vegnan a scoula cun büschmainta adattada (vainter suoglià, chotschas o schoccas fin almain mità giallun (ingüns „hotpants“), ingünas chapütschas, etc. dūrant l'instrucziun, büschmaint da bogn, ingüns bikinis a nodar).


In chasa da scoula:

6. Ils scolars e las scolaras cumparan punctualmaing a l'instrucziun. Els/Ellas aintran in scoula pro'l prüm sunar. A la fin da l'instrucziun bandunan ils scolars e las scolaras la chasa da scoula o ch'els as trategnan cun permiss d'üna persuna d'instrucziun aint illa stanza da scoula.
7. Avant co entrar in chasa da scoula pulischan ils scolars e las scolaras las s-charpas e la büschmainta dal suos-ch o da la naiv.
8. Ils scolars e las scolaras pon entrar illas stanzas da scoula e gardarobas da gimnastica be cun putschas. In sala da gimnastica sun admissas be s-charpas da gimnastica adattadas.
9. La chasa da scoula es ün lö d'imprender. Nus pigliain resguard sün oters ed evitain canera inütila. Id es scumandà da dovrar bastuns da hockey, ballas ed oters urdegns similis sainza survaglianza in chasa da scoula.
10. Telefonins ed oters apparats electronics sun da metter our'd funcziun sün tuot l'areal da scoula ed in chasa da scoula. Dūrant il temp da scoula (07:00-16:30) nu pon els esser ne visibels ne dudibels.
11. Ogets chattats sun da surdar al pedel da scoula o ad üna persuna d'instrucziun.




Cumün da Zernez
Scoula
Urtatsch 147A
7530 Zernez

T +41 81 851 44 60
scoula@zernez.ch
www.scoulazernez.ch



Posa / Areal da scoula:


12. La grafica suotvart muossa l'areal da posa.
13. Las personas d'instrucziun chi han surveglianza da posa sun las personas da contact in cas da problems d'urant la posa.
14. Il podest (zona cotschna) pro l'entrada da la scoula es la zona calma e la piazza verda es la zona d'activitats. La piazza da giovar (zona orandscha) es in prüma lingia pensada per scolars e scolaras da scoulina fin 3. classa.
15. Ils scolars e las scolaras as trategnan d'urant las posas e'l temp da scoula sün l'areal da scoula. Bandunar l'areal as po be cun permiss.
16. D'urant las posas grondas van ils scolars e las scolaras dad oura.
17. La marena vain mangiada d'urant la posa sün l'areal da scoula.
18. Veiculs cun roudas sun permiss be pel viadi da scoula a partir da la 4. classa. Ils scolars e las scolaras laschan lur veiculs dadour chasa da scoula als löös previs. La scoula nu surpiglia la respunsabilità per tals. Veiculs motorisats sun be permiss cun patenta e suottascripziun dals genituors e quai be pel viadi da scoula.
19. Trar buorras da naiv nu dascha metter in privel ad ingün e neir chaschunar dons. Buorras da naiv as po trar be illa zona verda, e quai be sainza intenziun da ferir a qualchün.





Cumün da Zernez
Scoula
Urtatsch 147A
7530 Zernez

T +41 81 851 44 60
scoula@zernez.ch
www.scoulazernez.ch



Consequenzas generalas:

Prüma cuntrafracziun:

- Il scolar o la scolara survain ün'admoniziun. Quella vain notada dal magister o la magistra da classa.

Seguonda cuntrafracziun:

- Il scolar o la scolara survain ün chasti dal magister o la magistra da classa.
- Ils genituors vegnan infuormats.

Terza cuntrafracziun:

- Il mainascoula vain infuormà ed id ha lö ün discuors.

Consequenzas punct 10:

Prüma e seguonda cuntrafracziun:

- Il telefonin o apparat electronic vain confiszà per ün mez di e depuonà pro'l magister o la magistra da classa. Il scolar o la scolara es svess/a respunsabel/bla dad ir a tour.
- I vain notà.

Terza cuntrafracziun:

- Il telefonin o apparat electronic vain confiszà per ün mez di e depuonà pro'l magister o la magistra da classa. Ün genituor o persuna respunsabla per l'educaziun sto gnir a tour il telefonin cun suottascrizpiun pro'l secretariat.
- Il mainascoula vain infuormà ed id ha lö ün discuors.

Zernez, schner 2024
Scoula da Zernez